

04 DECEMBRIE
RUGACIUNEA 4
SF.CUVIOS
IOAN DAMASCHIN
DE LA SF.SAVA-ISRAEL

Молитва

Божественне Дамаскине, святой наш покровителю отче Иоанне преподобне, небеснаго наследия учителю, пастырей наставителю, глаголе ясный учащих и благое учащихся внимание! Се мы ныне слово ти хотяще молебное рещи, памятуем тя храма нижеградска именоване, при немже иногда духовная основася семинариа.

И в нынешнем убо собрании не оставляем притекати ко твоей святыни и молитвенную жертву о тебе нашем небеснем заступители Христу Иисусу и всеблазей твоей отраде, Владычице нашей Богородице Марии, принести тщимся: о небесных бо твое сотворил еси рачение, живот земный в жизнь пробавль вечную о Бозе.

Темже убо прошед путем неудобоходимым,

удобь нам уготовляеши в Царствие Небесное стези во учении твоём простем, и всецелом о Господе Иисусе твоём житии.

О крестителей соимените, Христовых путей сказателю и от инохождения духовнаго в великомыслии ульщенных препятие: верховнаго умоли Вседержителя державу нашу православну соблюсти, от ересей и раскол тело оградити церковное, власти и воинства народолюбны и людем благочестивым служительны сохранить и врагов отечествия Христолюбиваго скоры на побеждение содеяти, разуму же нашему подати ясность евангельскую и сердцу о любви Божественной простоту.

Сый наследия отеческаго часть Дамаскине, Православия полноты покажи ны преемники, о великий Иоанне, велелепото церковная! Темже и в конце нашем, аще и чим преступихом пред святынею правды Божия, испроси у законоположника, но и паки всещедрого судии, простити нам яко ничесоже благаго сотворшым, зане не к кому бо иному в печали или прошении припадохом, ни комуже иному возвращешся паки поклонихомся, точию Христу Иисусу распятому и воскресшу, Сыну Божию, в Немже и Отцу Всевышнему, со Духом Его Пресвятым, Божественней бо сей Троице буди слава во веки всевечныя: Аминь.